

卷〇二九四八 神字

卷〇二九四九 神字

卷〇二九五〇 神字

卷〇二九五二 神字

# 永樂大典

永樂大典卷之二千九百四十八

九真

神

天神

史記殷本紀帝武乙無道爲偶人謂之天神與之博今人爲行天神不勝乃修辱之鬼谷子反應章已審先定以牧人衆而無

形容莫見其門是謂天神

注曰已能審定以之教人至德潛暢至風遠扇非形非容無門無戶見而形不及道者日月而不和故謂之天神西漢書

郊祀志武帝時齊人少翁以鬼神方見上上作甘泉宮中爲臺室畫天地大一諸鬼神而置祭具以致天神居歲餘其方益衰神不至司馬相如

傳脩德以錫符奉符以行事不爲進越也故聖王弗替而脩禮地祇謁款天神勒功中嶽以章至尊

祀天神

西陽雜俎漢竹

宮用紫泥爲壇天神下若流火玉飾器七千枚一作枝舞女三百人一日漢祭天神用萬二千柱養牛五歲重三千斤新唐書西城泥婆羅傳泥婆

羅祀天神錫子全切石爲象日浴之烹羊以祭又大食傳大食人日五拜祀天神石林燕語高麗王徵立嘗誦華嚴經願生中國舊俗以二月望

張燈祀天神。如中國上元。徹一夕夢至京師觀燈。若宣召然。徧呼國中。嘗至京師者問之。略如夢中所見。乃自為詩識之曰。宿業因緣近契丹。一朝貢幾多般。忽蒙舜日龍輪召。便侍先天佛會觀。燈焰似蓮丹。闕迴月華如水淺。雲寒移身幸入華胥境。可惜終宵漏滴殘。

## 祭天

## 神

東漢書宗室傳熹平二年。國相師還追奏前相魏。偕與陳慙王寵共祭天神。希幸非異罪至不道。有司奏遣使者案驗。靈帝不忍加法於

王。詔檻車傳送。惜北寺詔獄使中常侍王醜等。雖老。惜辭與王共祭黃老君求長生福而已。無他異幸。醜等奏。惜職在匡正。而所為不端。還誣告其

王。罔以不道。皆誅死。有詔赦寵不按。

## 妄事天神

王符潛夫論。尺歲豐隆。鈞陳太陰將軍之屬。此乃天吏。非細民所當

事也。天之有此神也。皆所以奉成陰陽而利物也。若人治之。有牧守令長矣。尚之何怒。背之何怨。君民道近。不宜相責。況神至貴。與人異禮。豈可妄

## 事。禱天神

魏書賀訥傳。訥從父弟悅。密為太祖祈禱天神。請成大業。出於誠至。太祖嘉之。

## 奉天神

盧子遷史裴令公少時有術士云。命屬北斗廉貞星將軍。宜每存敬。祭以清酒。當得冥助也。裴公自此不敢懈惰。及為相。機務繁雜。乃遺忘。心不足。

然未嘗言之於人。諸子亦不知。在京師。有道德者來與宿。及夜。目相公昔年尊奉天神。何故中道而輟。崇護不已。亦有感於相公。裴公笑。心知其廉貞。不之信。後為太原節度。家人病。即迎女巫視之。彈胡琴。顛而倒之。良久。蹶然而起。曰。請見相公。廉貞將軍遣某傳語。大無情。都不相知也。將軍怒甚。相公何不謝之。裴公大驚。女巫曰。當擇良日。齋於靜院。焚香酒果。廉貞將軍亦欲見形於相公。其日裴公沐浴具公服。立於階前東南。其酒再拜。見金甲持朱戈者一人。長三丈餘。向北而立。裴公驚悚汗俯伏。地不敢動。少頃即不見。問左右皆無之。裴公遵奉不敢怠忽也。

**賽天**

**神**

五代史後唐開光二年七月己酉。如雷山賽天神。夷狄之事也。

**不畏天神**

東漢書杜林傳。林少好學。博洽。

多聞。王莽敗。盜賊起。林與弟成及同郡范逵孟冀等俱客河西。道逢賊數千人。遂掠取財物。褫奪衣服。拔刃向林等欲殺之。冀仰天嘆曰。願一言而死足矣。將軍知天神乎。亦眉兵衆百萬所向無前。而殘賊不道。卒至破敗。今將軍以數千之衆。欲規霸王之事。不行仁恩。而反遭覆轍。不畏天神乎。賊遂釋之。俱免於難。

**夢天神**

北史隋宗室列傳。開皇中。文帝夢神自天而降。云是天神將下降。及聞蕭妃有娠。迎至大興宮。

之客省明年戊辰  
生元德太子昭

# 鬼稱天神

趙希備會心錄王觀文出征熙河  
久不下既入城命悉屠之人皆逃

避至城一隅有婦人獨不避王怪問婦人輦蹇而起忽產一子於前乃知其將產故不能去王感動遂命止殺王是年亦生一子名案字輔道長有文名孝於其親自號南陵居士仕徽宗為刑部侍郎在朝時忽有天神降其家能預言人禍福案事之甚謹吉凶皆前知崇寧間天子將用兵於幽薊計未決有言案家天神可卜者上將親臨問案不敢隱因奏曰容臣歸而祝之若天神許車駕臨幸却當奏上時妖人林靈素方得幸案獨不與之交靈素銜之因白上曰車駕不可輕動宜遣親信內侍先往驗實然後臨幸未晚上然之內侍至案家天神竟日不降既復命靈素進曰案將家子臣固疑其巨測請劾其罪上怒逮繫案于獄考掠備至竟無以自明時案母尚存披髮訴冤于天神曰吾家奉神甚謹何為竟殺吾子神復降曰吾非天神也蓋熙河之鬼爾語訖不復見

# 召雷神

百川學海祛疑錄向有行雷神法者以夜遊艾納數藥合之為香每燒則

煙聚壚上人身為翼恍如雷神所至敬向不知其為藥術也夷堅志建昌王文卿既以道術著名其徒鄆道士得其五雷法往來均撫諸州為人請

兩治崇召呼雷霆若響若答紹興初來臨川數客往謁欲求見所謂雷神者非之不免乃如常時誦呪書符仗劍叱咤良久陰風肅然煙霧虧蔽一神人戴冠持斧立於前請曰弟子雷神也蒙法師召喚願聞其指鄭曰以諸人欲奉觀故遣相召無它事也神急曰弟子每奉命必奏上天乃敢至道事畢而歸又具以白今乃以資戲玩將何解反命于天此斧不容虛行法師宜當之即舉斧擊其首坐者皆失聲驚仆移時方甦鄭已死矣敬

## 事雷神

嶺外代客廣右敬事雷神謂之天神其祭曰祭天蓋雷州有雷廟威靈甚盛一路之民敬畏之欽人尤畏圖中一木

枯死野外片地草木萎死悉曰天神降也許祭天以穰之苟雷震其地則又甚矣其祭之也六畜必具多至百牲祭之必三年初年薄祭中年稍豐

末年盛祭必養牲三年而後克盛祭其祭也極謹雖同里巷草木有懼心一或不祭而家偶有疾病官事則鄰里親戚聚尤之以爲天神實爲之災

### 宋詠史詩雷神

雷州國文補春夏多雷無日無之秋日即伏地中其狀如鹿取而食投荒錄雷聲近在簷宇之上其他郡不同故名我聞古老說雷

神身矮而長是目燦金曹親載書書似瘞不圖靈跡現當今

## 不拜海神

北史列傳魏裴聚孝武初出爲驃騎大將軍膠

州刺史屬時亢旱土人勸令禱於海神，繫禱違衆人乃爲祈請，直據胡床坐，僕白君左右云：前後例皆拜謁，繫曰：五岳視三公，四瀆視諸侯，安有方伯致禮海神？

乎卒不肯拜。

### 刑馬祭海神

隋書陳稜傳：大業中，稜與朝請大夫張鎮周發東陽兵萬餘人自義

安汎海，擊派求國，稜進至低設檀洞，其小王歡斯老模率兵拒戰，稜擊敗之，斬老模，其日霧雨晦冥，將士皆懼，稜利白馬以祭海神，既而開霽。

女

### 化海神

百陽雜俎：吐火羅國，縛底野城，古波斯王烏瑟多習之所築也。王初築此城，高二三尺，即壞，歎曰：吾應無道，天令築

此城不成矣。有小女名那息，見父憂，問曰：王有隣敵乎？王曰：吾是波斯國王，領千餘國，今至吐火羅國中，欲築此城，垂功萬代，既不遂心，所以憂耳。女曰：願王無憂，明旦令匠視我所履之跡，築之即立。王異之，至明女起步西北，自截右手小指遺血成蹤，匠隨血築之，遂日轉蹤，匠女遂化爲海神。其海至今猶在堡子下。

### 清河公即江神

隋書楊素傳：高祖爲丞相，封素

清河郡公，及受禪，加上柱國，開皇四年，拜御史大夫。未幾，拜信州總管。素居永安，造大艦，名曰五牙，上起樓五層，高百餘尺，左右前後置六拍竿，並

高五十尺。容戰士八百人。旗幟加於上。次曰黃龍。置兵百人。自餘平桑、炸、艦等各有差。及大舉伐陳。以素為行軍元帥。引舟師趣三硤軍。至流頭灘。陳將戚欣以青龍百餘艘屯。兵數千人守狼尾灘。以遏軍路。其地險峭。諸將患之。素曰。勝負大計。在此一舉。若晝日下船。彼則見我。灘流迅激。制不由人。則吾失其便。乃以夜掩之。素親率黃龍數十艘銜枚而下。遣開府王長襲引步卒從南岸擊欣。別擗令大將軍劉仁恩率甲騎趣白沙岸。逕明而至。擊之。欣敗走。悉虜其衆。勞而遣之。狀毫不犯。陳人大悅。素率水軍衆下。舟艦被江。旌甲曜日。素坐平桑大船。容貌雄偉。陳人望之。懼曰。清河公即江。

## 夢河神

北史後魏孝莊帝既誅爾朱榮。榮子兆自汾州率騎攻洛師。自河梁西涉。掩襲京邑。先是河邊有一人夢

神謂曰。爾朱家欲渡河。用爾作波津。今當為縮水脉。及兆至。見一人自言知水深淺。慶以草表揲導。忽失所在。兆衆遂涉焉。尋而陷京。弒莊帝。禱

## 河神

北盟錄宋靖康中。中書舍人孫覲言。臣承乏直學士院。被旨撰祝冊。禱河神。望其冬三月。河流不冰。復有獻計者。宜聯數百艘。

宿火其中。可謂兒戲矣。

## 按問水神

資治通鑑後唐明宗紀。天成二年。魏王繼岌遣押牙韓珙等。部送蜀珍貨金帛。

四十萬浮江而下。高李興殺珙等於峽口。盡掠取之。朝廷詰之。對曰。珙等舟行下峽。涉數千里。欲知覆溺之故。自宜按問水神。帝怒。制奪其官爵。

# 燃犀照水神

太平廣記溫嶠平蘇峻之難。及于溫口。乃燃犀以照水。惟果見官寺赫奕。人徒甚盛。又見群小。

兒兩兩為偶。乘輅車。駕以黃牛。睢盱可惡。溫即夢見神。怒曰。吾與君幽明異路。何故相照。當令君知之。乃得病也。

# 犯人神

西漢書鄭崇傳。崇為尚書僕射。父之上欲封太后弟商。崇諫曰。犯人者有亂亡之患。犯神者有疾夭之禍。

# 求助人神

東漢書隗囂傳。囂既立為上將軍。軍師方望說囂宜急立高廟。稱臣奉祠。所謂神道設教。求助人神者也。

# 金人神

北史曹國

傳。其國神有金人。破羅澗人丈有五尺。高下相稱。每日以馳五頭馬十匹。羊一百口。祭之。常有數千人食之不盡。能改齋。漫錄漢武帝故事。毘邪王

殺休屠王。以其眾來降。得其金之人神。置之甘泉宮。金人皆長丈餘。其祭不用牛羊。惟燒香禮拜。

# 孝感人神

李昌

齡樂善錄。資州資陽縣士人。勾龍霽。乾道己丑。為其祖父母及父廬墓。以一百二十日為期。逐日辰午酉三時。土土暇。則看閱釋典。讀誦孝經。又校

正字音手寫萬卷以施於人越明年二月有七日早忽一白涼衫人戴青  
笠騎黑馬而至徘徊周覽神彩頗異霧覺之乃請勸茶繼以果實及五穀  
等飯侍者從旁以一大漆器受之又有一卒手執一小旗并一小牌金刻  
其字曰虞張誅叛虜惟此功三與汝霧讀畢白涼衫者命霧錄之霧益敬  
異遂問姓字答曰汝還識我否我寓居梓潼下江南至資州今蓮花山下  
即我行祠聞公至孝特來游此遂索馬向南而去馬足如飛倏然不見霧  
望塵再拜亟遣其弟詣祠禱謝既至按上有楸物發而視之則霧所獻白  
涼衫者六顆胡桃十枚乾棗一器五穀飯也寺僧法榮祖行及守祠蔡十  
五等皆相訝曰祠門不開者知幾年矣安得有此復取楸細視則元祐士  
申三月初五日左馮兵士楊有功因迎本官入川至梓潼詣祠獻香之楸  
也迄今已八十餘年噫茲亦異矣愚嘗讀真誥大九世人有功及物而得  
為地下主者文解八十年武解一百六十年始得一遷至於為臣而忠為  
子而孝則直登仙品更不歷諸地位今神之意豈曰虞張  
之忠與子之孝則一也耶字文庭堅錄亦資州勘會公文

灸犯人

神

夷堅志姜楠之師仲在太學與胡秀才同舍胡指上病贅疣欲灼艾  
去之或告曰今日人神在指當俟他日胡不以為信遂灸焉七日而

瘡發皮剥去一重見人面在中如鏡所照惡之坐覆以膏又七日稍瘡痺甚因爬搔皮起人面如故歷四十餘日創益大且痛竟不起

鬼

## 針人神

太平廣記丹陽郡吏章授使經毗陵有一人寄戴筭數日授發其筭有書數卷皆吳郡人名又有針數百枚其人謂

授曰君知我是鬼也所以持針者當病者以針針其人神馬

## 精貫人神

仙傳彭家少服業于太極真人栖真味道

精貫神人年一百餘歲後受書為太清真人

## 正其人神

輔教編原教云聖人為教而恢張異宜言乎一世也則當

順其人情為治其形生之間言乎三世也則當正其人神指緣業之外緣死生

## 上神

禮記禮運脩其祝嘏以降上神與其先祖正義

曰上神謂在上精魂之神即先祖也指其精氣謂之上神指其亡親謂之先祖

## 遊神

古三墳書遊神動而靈故飛走潛化動植蟲魚

之類必備於天地之間謂之太古

## 太歲遊神

晉史揮塵徐邈達於從政論議精密當時多諮稟之觸類辨釋問則

有對舊疑歲辰在卯此宅之左彼宅之右何得拘忌於東邈以為太歲之屬自是遊神譬如日出之時向東皆遂非為藏體地中也

泰

元媼神

漢高禮樂志惟泰元尊媼神蕃釐李奇曰媼神地也師古曰泰元天也言天神至尊而地神多福也

受

釐元神

海錄碎事告成大報受釐元神釐福元大也

自己元神

道法精微虛靖天師張君

曰神若出便收來神返身中氣自回如此朝朝還暮暮自然赤子產真胎  
薩真人曰一點靈光便是符時人錯認墨和朱精神不散元陽住萬怪千  
妖盡掃除王景陽曰空劫之前是我身無形無象亦無名黃金透石俱無  
碍一點靈光到處明鏡碧虛曰人言心下一陀空精氣元神聚此中何以  
痴人容易感蓋緣不識主人翁又自己元神即先天一氣之體先天一  
氣即自己元神之用故神不可離於氣氣不可離於神神乃氣之子氣乃  
神之母子母相親如磁吸鐵劉真人曰非法非真非色無形無相無情本  
來一物冷清清有甚閑名雜姓動則鬼神潛伏靜時天地交并視之不見  
聽無聲默叩須還相應又心傳錄云一人各具一乾坤  
中有龜龜一至尊統御萬靈三界伏不知徒爾弄精神  
道法精微先天元神太極之祖也虛無自然包含萬象視之不見聽之不  
聞變化無方去來無礙清靜則存濁躁則亡玉皇心印經云神能入石神

能飛形太上曰虛心靜神道自來居道德經云谷神不死是謂玄牝玄牝之門是謂天地根前有之矣心傳錄云靈臺清靜幾方現畧有纖毫便不見出離生死永長存

## 辟惡神

抱朴子登涉篇若有山川社廟血食惡神能作禍福者以黃神越章之印

以印封泥斷其道  
路則不復能神矣

## 佛是小神

太平廣記史高有學識奉道而慢佛常語人云佛是小神不足

## 禁治邪神

續宋鑑長編仁宗天聖元年詔江南東西荆湖南北廣南東西兩制福建路轉運司自今師巫以邪

神為名屏去病人衣食湯藥斷絕親識意涉陷害者并共謀之人並比類呪詛律條坐之非增疾者以違制失論其誘良男女傳教妖法為弟子者以違制論和同受誘之人減等

## 請祀五行神

續宋鑑長編神宗紀元豐四年

詳定禮文所言禮運曰地秉陰播五行於四時五行者天地之間至大之物萬物所生以成故有帝以為之主有神以為之佐祭天以天從故祀昊天上帝則五神宜從於南郊祭地以地從故祀地祇則五神宜從於北郊五神地類也故曰地秉陰播五行於四時漢舊儀祠五祀五行官也梁武

帝南北郊皆祀五行之祀故許亨以謂五神主五行隸於地為陰祀位在  
北郊是也近世大雩五時迎氣以五人神配而不設五行之神是遺其大  
而取其小也伏請祭地祇以五行之神從以五人神配用血祭從之

### 居如大神

羅泌路史吳英氏論人之言曰居如

大神夫食則大牢而加珍服則五米而飾玉坐設章容黼黻而諸侯孤卿  
奔走乎堂下出乘大輅越席以養安載車阜並以養鼻錯行以養目和鸞  
以養耳三公奉輓諸將持輪居如大神動如天帝扶老養衰渠有善於此者金史國語解大神高也

### 沒為名神

賈誼

治安策主為明帝沒為名神名譽之美垂於無窮

### 三河領神

馬明叟實錄後魏裴駿字神駒幼而聰惠親表稱

為神駒遂以為字弱冠通涉經史崔浩亦深器之目為三河領神

### 卿是世神

馬明叟實錄北齊和士開事武成

好握槊士開善此戲又能彈胡琵琶因致親寵嘗謂武成曰殿下非天人也

### 護法善

### 神

續宋鑑長編神宗熙寧七年言新法之不便者甚眾王安石不悅而求去然呂惠卿又使其黨日誹謗幽假名投書乞留安石堅守新法

上乃遣惠卿以手詔諭安石欲廢以師傳之位留京師而安石堅求去又  
後賜手詔曰韓絳壘欲得一見卿意者有所諮議卿可為朕詳語以方今  
人情政事所宜急者安石薦絳代己仍以惠卿佐之於安石  
所為遵守不變也時號絳為傳法沙門惠卿為護法善神

**鬼避戒**

**神**

經律異相沽客篇有人從客受三皈五戒心欲見佛經一亭中有一  
女云是噉人鬼婦其人日暮欲寄宿女言不可其人自念是舍衛國

人完佛四戒神尚畏之我何所懼乎遂即留宿時  
噉人鬼見護戒神去亭四十餘里一宿不敢歸

**日遊神**

秦京雜記皇祐

嘉祐中未有謁禁士人多馳驚請托一人號望火  
馬其中又一人號為日遊神蓋曰有奔競故也

**箕公之神**

羅泌

路史餘論許由退處箕山故其卒塋在是  
所謂箕公之神配五岳者許四岳之祚也

**羽淵之神**

羅泌路史夏后紀舜

遇縣于羽山三年而死是為羽淵之神山海經云南望樛渚禹父之所化  
今陸渾東有樛渚即縣化之所河南密縣亦有羽山縣化羽淵一或在此  
神則無不在也子產云其神化為黃熊事詳  
晉語或云黃能或云玄魚云能鼃有說別見

**司命之神**

太平御覽漢武

故事曰上祀太時祭常有光照長安城如月光上以問東方朔此何神也  
朔曰此司命之神總鬼神者也上曰祠之能令益壽乎對曰皇者壽命懸  
於天司命無能為也隨巢子昔三苗大亂天命殛之夏后受  
之大神降而富也司命益平而民不夭四方歸之闕地以王  
**司過之**

**神**

抱朴子內篇微旨卷按易內戒及赤松子經及河圖記命符皆云天  
地有司過之神隨人所犯輕重以奪其算算減則人貧耗疾病屢違

憂患算盡則人死諸  
應奪算者不可具論

**郭西之神**

梁昭明太子事實昭明祠舊在  
秀山之秋浦縣在今郡城西南

八十里後改縣置池州州治遷廟亦隨建今廟  
距州治繞五里居城之西故稱爲郭西之神

**山海之神**

隋書  
列傳

流求之俗事山海之神祭以酒有聞戰殺人便將所殺人祭其神或  
依茂樹起小屋或懸髑髏於樹上以箭射之或累石繫幡以爲神主  
**橫**

**嶺之神**

金史楊達夫傳達夫字晉卿泰和三年進士有才幹所至  
可紀會有詔徙民東入關達夫與衆行及詔避兵于州北

之橫嶺爲遊騎所執將褫衣害之達夫挺然直立馬首略無所懼稍侵辱  
之即大言曰我全國臣子既爲汝所執不過一死忍裸袒以黷天日耶遂

見殺兩山潛伏之民竊觀之者皆相告曰  
若此好官異日祠之當作我橫嶺之神

## 花月之神

春渚紀聞  
建安章國

老之室宜興潘氏女二狹稱其韶麗既歸國老不數歲而卒其終之月室  
中飛蝶散滿不知其數聞其始生亦復如此既設靈席母展遺像則一蝶  
停立久之而去後遇遠諱之日與曝像之次必有一蝶隨至不論冬夏也其家疑其為花月之神

## 五穀之神

太平

廣記三川飢斛斛翔貴時王法進達太帝之所帝謂之曰世人不貴衣食  
之本我已較太華之府收五穀之神所種不成下民饑餓因示罰責以懲

## 其隱形之神

能改齋漫錄抱朴子內篇載遼甲中經曰往山林  
中當以左手取青龍上草折半置蓬星下歷明堂

入太陰中禹步而行三呪曰諾皋太陰將軍獨開曾孫王甲勿開外人使  
人見甲者以為東嶽不見甲者以為非人則折所持之草置地上左手取  
土以傳鼻人中右手持草自蔽左手著前禹步而行到六癸下閉氣  
而住人鬼不能見也以此知諾皋乃太陰之名太陰者乃隱形之神人

## 身之神

上陽子上部八景髮神腦神眼神鼻神耳神口神舌神齒  
神中部八景肺神心神肝神脾神左腎神右腎神膽神喉